

Kodak Color Control Patches

秦州志卷之二十一

人物儒林

宋胡瑗字翼之

宋史云秦州海陵人
云上世陵州人後為秦州如阜人

借孫明復石守道讀書泰山攻苦食淡幾二十年得家

問有平安二字即投澗中不復展讀四方學徒從游甚

衆景祐初更定雅樂詔求知音者范仲淹薦瑗白衣對

崇政殿與鎮東軍節度推官阮逸同校鐘律分造鐘磬

各一虞以一黍之廣為分以制尺律徑三分四釐六豪

四絲圍十分三釐九豪三絲又以大黍累尺小黍實侖

丁度等以為非古制罷之授瑗試秘書省校書郎康定



初元昊寇邊范仲淹經畧陝西辟丹州推官建議更陳
法治兵器開廢地爲營田募土人爲兵給錢使自市勁
馬漸以代東兵之不任戰者雖軍校番酋亭長廝役見
輒訪以邊事初武人以儒懦少之後乃稱服尋移密州
觀察推官丁父憂舉其族之亾於遠者九喪歸葬服除
以保寧軍節度推官教授湖州瑗教人有法科條纖悉
備具以身先之雖盛暑必公服坐堂上嚴師弟子之禮
視諸生如其子弟諸生亦信愛如其父兄從之游者常
數百人時尙誦賦瑗立經義治事二齋倡明體適用之
學如治兵治民水利算法類各有齋瑗嘗言劉彝善治

水彛興水利果有功慶厯中興太學下湖州取其法著
爲令召爲諸王宮教授辭疾不行爲太子中舍以殿中
丞致仕皇祐中更鑄太常鐘磬驛召瑗逸與近臣太常
官議於秘閣按周禮以正鐘律用上黨黍列爲九等纍
其中者爲尺尺定而律成驗之比舊下一律遂興作樂
事又令作皇祐新樂圖記布之天下除大理評事兼太
常主簿歲餘爲光祿寺丞國子監直講居太學其徒益
衆太學至不能容禮部所得士瑗弟子十常居四五隨
材高下喜自修飭衣服容止往往相類人遇之雖不識
皆知其瑗弟子也遷大理寺丞賜緋衣銀魚嘉祐初遷

太子中允充天章閣侍講仍居太學既而疾不能朝以太常博士致仕歸諸生與朝士祖餞東門外車軹至不得前就其子節度推官致康養於杭州卒年六十有七詔賻其家明嘉靖中從祀孔子廟廷追謚文昭著有易傳周易口義易繫辭說卦尙書會解洪範解春秋要義春秋口義論語說中庸傳吉凶書儀樂府奏議樂圖記武學規矩資聖集言行錄百餘卷

宋史參歐陽修墓表及舊志

案文昭居如臯之安定鄉冢亦在是見縣志故學者稱安定先生府志以如臯非揚屬故不載攷東都事畧云如臯人宋史云海陵人宋時如臯屬泰州於州

志例應載入又案宋史分道學儒林爲兩門文昭列儒林傳舊志改爲理學今依史漢例不復別標名目而以儒林冠諸傳焉

查許國字匪躬以奉職郎贊帥幕僑寓荆南開門教授經其指畫訓化者往往登科第忽一日令具浴顧門弟子取管幅來疾書曰七十三年聖師之壽許國何人敢繼其後唯是平生恪遵善誘故從門人啟予足手卽端坐瞑目家人環泣許國麾令去留姪與孫侍弟子前曰先生將逝矣此時有何景象頗怖畏否卽舒兩手曰此心閒而無事復筆詩一絕及戒毋得用僧與火寓錢命

弟子誦孝經擲筆拱手而終許國素工書此數紙尤適勁弟子饒之石孫籥廷對中首甲乾道中攝貳夏卿出

典大藩

舊志

明周蕙字廷芳為臨洮衛卒戍蘭州年二十聽人講大學章惕然感動遂讀書州人段堅薛瑄門人也時方講學於里蕙往聽之與辨析堅大服誨以聖學蕙乃研究五經又從學安邑李景亦瑄門人也蕙從之久學益邃恭順侯吳瑾鎮陝西欲聘為子師固辭不赴或問之蕙曰吾軍士也召役則可若以為師師豈可召哉瑾躬送二子於其家始納贄焉後還居秦州之小泉幅巾深

衣動必由禮州人多化之稱為小泉先生以父久游江

南不返渡揚子江求父舟覆溺死門人著者薛敬之李

錦王爵夏尙樸

府志節明
史薛瑄傳

王爵字錫之宏治初由國學生授保安州判官有平允

聲其教門人也務以誠敬為本

府志節明
史薛瑄傳

儲權字靜夫九歲能屬文成化癸卯甲辰鄉會試皆第

一授南京考功主事孝宗嗣位疏薦前直諫貶謫者主

事張吉王純中書舍人丁璣進士李文祥等皆錄用久

之進郎中吏部尙書耿裕知其賢調北部攷注臧否一

出至公嘗覈實一官裕欲改其評權正色曰公所執何

異王介甫羣僚咸在側裕大慙徐曰非我莫能容也擢太僕少卿請命史官記注言動如古左右史時不能用進本寺卿武宗立塞上有警條禦邊五事又陳病民者四事多議行科道官龐泮等言事下獄囙論救之正德二年改左僉都御史總督南京糧儲召爲戶部右侍郎尋轉左督倉場所至宿弊盡釐劉瑾用事數凌侮大臣獨敬瑾稱爲先生瑾憤其所行五年春引疾求去詔許乘傳有司俟疾痊以聞其秋瑾敗以故官召辭不赴後起南京戶部左侍郎就改吏部卒於官年五十有七賜祭葬如例囙體貌清羸若不勝衣溘行清修介然自守

工詩文好推引知名士辟遠非類不惡而嚴進士顧璘嘗謁尙書邵寶寶語曰子立身當以柴墟爲法柴墟者囙別號也臨卒友人往問後事不能言猶舉筆作國恩未報親養未終八字嘉靖初賜諡文懿著有柴墟文集

垌野集及奏疏若干卷

明史參舊府州志

王艮初名銀王守仁爲更名字汝止號心齋任安豐場七歲從塾師受大學章句貧不能竟學弱冠父使治商往來齊魯間已又學醫然皆弗竟嘗過闕里謁孔廟及諸大儒從祀太息曰是聖人者可學而至也歸取孝經大學論語日誦讀置書袖中逢人質疑有所得必見之

行父竈丁役於官冬晨起以冷水盥良哭曰爲人子命
父至此得爲人乎出代父役入定省惟謹一夕因夢頓
悟心地洞澈寤而識諸壁曰正德六年間居仁三月半
居仁其堂也武宗南巡內官以上命捕鷹過海上所至
騷動良詰之論以理義璫矍然起敬因勸以請上旋蹕
毋馳騁以安天下內官感悟去良與人講論道學有客
聞良言詫曰何類王中丞語良乃謁守仁江西執木簡
署曰海濱生名其冠曰有虞氏之冠其服曰老萊子之
服踞上坐與守仁語良知及堯舜君民事業抗辯不爲
屈居數日有省曰吾人之學飾情抗節矯諸外先生之
學精深極微得諸心者也乃執弟子禮守仁語曰吾持
萬衆禽宸濠未嘗動心今爲此生心動矣良乃益自任
從守仁歸里歎曰吾師倡明絕學何風之不廣也還家
製小車北上所過招要人士以師說化道人聚觀者千
百顧良言多出獨解不循傳註且車服悉古製皆駭異
之抵京師同門生匿其車趨使返守仁聞之不悅良往
謁拒不見長跪謝過乃已自是益歛圭角就和坦復游
吳越間因百姓日用以發明良知之旨究及於身修而
天下平其言曰心有所向便是欲欲有所見便是妄旣
無向又無所見便是無極而太極又曰良知愚夫愚婦

與知與能與鳶飛魚躍同一活潑潑地則知性矣語持躬太嚴者曰君子不以養心者害心有問放心難收者呼之輒應而起曰汝心見在更何求乎卽事是心更無心矣卽心是事更無事矣王氏弟子徧天下率多爵位有氣勢艮以布衣抗其間聲名反出諸弟子上然艮往往駕師說上之持論益高遠出入於二氏自鄒守益湛若水呂柟歐陽德咸重之從游者日衆郡守召辭以疾謂門人曰致師而學學不誠矣往教教不立矣或勸之仕或勸之著述皆不應巡撫劉節御史吳悌俱疏薦不報守仁卒於官艮迎喪桐廬營其冢艮年五十餘卽家

講學遠近畢赴及病語門人曰吾將逝乎顧仲子璧曰汝知學吾何憂遂卒年五十有八門人爲治喪私謚文哲四方會葬者數百人初祀鄉賢後建專祠於吳陵書院有司以春秋致祭焉所著語錄及樂學歌孝弟箴求仁方格物要旨明哲保身論仁以爲己任賦海內傳之良傳泰州林春貴溪徐樾樾傳永新顏鈞鈞傳南城羅汝芳永豐梁汝元汝芳傳歸善楊起元合肥蔡悉崦周汝登汝登爲泰州分司判官

參明史崇禎州志新舊府志東臺縣志

王璧一作璧

字宗順號東崖艮次子九歲隨父謁王守仁

士大夫會者千人守仁命童子歌多囁嚅不能應璧意

氣恬易歌聲若出金石守仁曰吾越中無此兒也奇而授之學踰十年歸娶已復之越師王畿錢德洪留者八年父歿襲望日隆四方聘以主教者甚多襲不煩繩削動應矩矱非其義千金至前不一盼也喪祭必遵古禮建先祠置祭田月朔率子弟肅衣冠致奠考其一月中所爲竟日乃罷敦孝弟睦宗族關於行誼者豪髮必謹僉都御史州人凌儒疏薦於朝辭不赴未幾卒其門人稱東崖先生有海安程泮者號瞻樓與同里李祐俱師事襲刻其遺稿泮篤行向學著有語錄年譜及天響草

舊志參東臺志暨采訪錄

案東臺縣志有程泮傳作富安場人誤

朱逸良同里樵夫也易麥精擇精者供母糗其糶稅以樵一日過良閭行吟曰離山十里薪在家裏離山一里薪在山裏良調其徒曰小子聽之人病不求耳逸因負牆竊聽講論聽訖樵去以爲常良弟子宗姓者願謂逸曰詭子雅志甚苦願奉數十金爲子生理免樵作勞且得日夕相從商切幸甚逸曰子非愛我力却之

雍正府志采名

山藏

林春字子仁號東城其先閩人後隸本州守禦所因古籍焉家貧力學師事王良聞良知之學日以朱墨筆識

臧否自考動有繩檢尺寸不踰嘉靖十一年會試第一
除戶部主事調吏部繕紳士講學京師者數十人聰明
解悟善談說者推王畿志行敦實推春以母病歸養三
年未嘗以事干州郡時巡鹽御史洪坦見春所居湫隘
欲代爲新之力辭曰學宮春發跡地也修之愈於春室
矣坦重其意遂具二千金修學春家居每往萬壽宮故
讀書處講學問至安豐就良叩所疑義母愈進文選郎
中卒官年四十四發其篋僅白金四兩寮友經紀其喪

明史參
舊志

劉清號西郭敦行誼動合矩矱是時林春從王良講良

知之學清師事焉由歲貢生官浮梁訓導教嚴而氣和
務接引士類薰之以善或有問著述曰帖括是尊最誤
後進問學術曰道寓諸庸目前皆是一日忽治裝歸諸
生泣畱不聽兵部郎李大欽爲之記尋卒子宏宇成進

士舊
志

唐珊字可珍慕王良良知之學醇謹自守終身不見喜
愠居家遵古禮歲時祭祀必戒必敬著有質言集鄉約

解舊
志

戴恩字及泉萬厯壬子辛酉兩中副榜恩准作貢授湖
廣襄府典儀轉典膳乞休歸里受業王良之門明倫堂

東西碑碣貢士題名心齋文集皆列名舊志

案萬厯志崔殷梅月唐珊三人皆入理學崇禎志刪

去崔梅二人以唐珊入高行傳又案崔殷梅月並見

東臺縣志今依崇禎志不錄

國朝張符驤字良御號海房住海安鎮父世爵見篤符驤

為諸生時博覽有名恭遇

仁廟南巡獻竹西曲張文正第其詩一等年五十貢人太學康

熙六十年成進士官庶吉士旋乞假歸編輯宗譜獎勵

子姓家居貧約不私謁當事然如濬河修隄捐賑諸有

益鄉里之事皆力言之黃山閔賓連歿廣陵符驤葬之

於蜀岡為其子續娶以延宗祀生平篤信程朱學不主

姚江之說與陳大始等論性理反覆辨難多前儒所未

發游其門者日衆著有自長吟依歸草日下麗澤天傭

子等集舊志參府志案府志入文苑

俞楷字陳芳府志作陳方號正林由諸生貢入太學康熙四

十四年

仁廟南巡召試供奉

內廷進經學劄子分析五經源流次第奉

旨發閣議施行旋奉部選天長訓導未幾以纂修議敘授華亭

教諭務以經術訓士一時士習丕振晚年益究心理學

著有三極易知錄等書弟梅別有傳舊志參府志案府志入文苑

繆肇甲字墨書號補山幼喪母哀毀如成人

事繼母盡孝於城北築清響園讀書其中集名流談議講明體達

用之學凡先儒語錄無不洞達本原而一折衷於朱子

由諸生貢入太學適下河隄潰

上命工部侍郎孫在豐經理河務按行秦州聞肇甲名就訪其

家因出繪圖備陳疏濬事宜瞭如指掌在豐深然之資

為贊畫及議敘謝曰某非為仕宦計也生平寡言笑好

施予卒年四十九以子沅貴贈如其官舊志案府志入孝友

田毓芝字明符諸生十應試不遇遂究心理學多所聞

發立家廟置義田晚年益恬退六舉鄉飲賓不赴嘗語

人曰吾生平嚮往心齋身後獲置木主於其側竊附弟

子列足矣著有樂天堂稿十卷子敬錫官郎中舊志

王礪品字子隅歲貢生性冲淡讀書求實踐居東園茅

屋數椽與門弟子研性命之奧彙宋儒諸說參以心解

往往有得偶賦詩以舒寫性情為主除夕所居被焚抱

先人主立樹下他無所取卒後子譽處類次其語曰澄

觀錄舊志

韓敏字遜之歲貢生性渾厚於濂閩關洛諸書悉手自

鈔錄反復研究每有心得必與同學者互相闡釋既而

而從游日衆敏隨才啟發咸有成就晚年學益進尤嚴
於朱陸之辨巡撫張伯行聞其賢邀至署講貫累日以
擔當世道爲屬子鯤鰲鯁鯁字似鯉拔貢生工詩古文

詞舊志參采訪錄

鮑鎔字純夫廩生幼穎悟及長師事王礪品時有闡明
理學反覆問難者每以鎔之言爲折衷鎔尙實行勇於
爲義教人舉藍田呂氏鄉約謂其可以正人心厚風俗
也卒年五十二附祀崇儒祠舊志

朱緒字芳萊好善不倦有所聞必力行之嘗貨產以濟
貧友自與韓敏孫健諸人同應巡撫張伯行之招益究

心理學偶有疑義欲質諸張時張已督倉場竟附糧艘
往謁析其義而歸舊志

宮煥光字葆宣諸生雍正八年舉賢良方正力辭不就
少以攻苦致病淡食三年病愈而心性之學進於座右
書恐懼修省四字小有過卽閉戶自懲嘗曰自責自修
慎言慎動又曰屋漏不可欺一日無愧忤事此心便樂
如是者數十年年七十五卒府志

泰州志卷之二十二

人物忠節

宋孫虎臣咸淳間知泰州時元兵進逼泰州虎臣孤軍

無援死之舊志

案虎臣自殺為德祐元年九月丙戌事見宋史瀛國

公紀

高夢月紹定二年任泰州教授李全之叛泰州官屬十

九人皆迎降獨夢月不污詔贈三官

舊志本宋史李全傳

案紹定五年詔李全之叛不出見賊者高夢月劉賓

雲循升二資與李全傳所載不符不出見賊雖與捐

軀者有間而以吳澄等較之可謂不屈節矣故錄之

吳嘉海陵簿李全寇泰州嘉罵賊死紹定五年春詔贈

朝奉郎官其一子將士郎見宋史理宗紀一

州志不載府志僅見事畧俱誤

宋應龍儒生通兵出入行陳三十餘年為泰州諮議官

忠義傳云為諮議官寓泰州泰州守將孫良臣之弟舜臣自金軍來

說降良臣召應龍與計應龍極陳國家恩澤君臣大義

請殺舜臣以戒持二心者良臣不得已殺之此事見李庭芝傳

德祐二年六月甲寅元兵至泰州裨校孫貴胡惟孝尹

端甫李遇春開門迎降應龍夫婦自經死舊志參宋史忠義傳李庭

芝傳

舊志因忠義傳內有寓泰州之語故入流寓觀舜臣

說降一事似當據庭芝傳作泰州諮議官為是至應

龍夫婦死難則無論秩官流寓皆當錄入忠節者也

以上四人俱入泰州秩官故列於前

趙福官兵馬都監紹興三十一年金人大至權泰州事

王濤留州印付福而去都統領胡深棄淮甸水砦入泰

州葉義問以深權知州福權本路兵馬都監深聞金人

欲犯泰棄城先遁敵軍登城福死之節繫年要錄詳見事畧

舊志不載府志僅見事畧俱誤

吳從龍字子雲明州奉化人

見雍正府志宋史崇禎州志俱無此語

以建

康統制備揚州紹定四年李全攻海陵未下以騎軍哨

揚州從龍迎戰於東門被執至泰州賊使詐稱援兵從

龍及城下大呼曰我今為賊擒汝等但堅守不可開門

賊怒刃交下猶罵不絕口竟寸鬻以死

雍正州志云孤軍戰鬪馬中流

矢為賊所殺則死於揚非死於泰矣

詔贈武功郎閣門宣贊舍人賜廟額

曰顯勇

崇禎州志

案宋史第云官至武功郎建康府統制不云追贈何

官又云廟祀揚泰二州賜額褒忠不云顯勇未知舊

志何本

李庭芝字祥甫隨州應山人景定咸淳間知揚州

舊志作德

祐二年權知揚州誤

阿朮

舊志作兀朮誤

攻揚日久庭芝力守會益王即

位以少保左丞相召庭芝乃以朱煥守揚與姜才將兵

七千趨泰州煥以城降阿朮追至泰築長塹圍之且驅

庭芝妻子至城下守將孫貴等開北門迎敵庭芝赴蓮

池水淺不死遂被執至揚州遇害

舊志

姜才濠州人阿朮攻揚才與庭芝協力堅守益王召為

龍神四廂都指揮使遂與庭芝東至泰州將入海阿朮

進兵圍泰會才疽發背不能戰遂就執阿朮責其不降

才曰不降者我也憤罵不已阿朮猶未忍殺以朱煥之

請殺之揚民莫不涕下立三忠祠與庭芝孫虎臣並祀

案吳從龍以下三傳與宋史稍異茲仍舊志而別載

本末於事畧中三人均非泰州官舊志或入宦蹟或

入流寓俱誤至庭芝才雖遇害於揚而被執於泰即

與完節此地者同例得錄之

元至正十三年張士誠及其弟士德士信為亂六月辛

亥親王完者秃泰州陳亡賻鈔五百錠

元史順帝紀

府州志不載今依宋李庭芝姜才例錄入

趙漣以參政分守揚州又移鎮真州張士誠作亂漣遣

李齊諭降之遂移漣鎮泰州士誠覘知無備復反夜四

鼓縱火登城漣即馳騎奮擊賊被執瞋目大罵遂死州

人感其忠義收尸歸殯真州

府志詳見事畧舊志入名宦非是

明世直復攻西門日且暮顯忠被傷累瘡決戰力不

支城破為亂兵所殺事聞遣使弔祭贈鎮國將軍都指

揮仍厚恤其家

崇禎州志

新舊府志不載崇禎州志以此事編入明代武勳中

另一行云朱士俊顯忠兄淮東道副都元帥案崇禎

州志所錄武勳不滿二頁內闕二十行是否版片磨

滅或有所忌諱而鐫去顯忠士俊是否泰人元明史

中無見雍正州志節去世直復三字加以朱顯宗敵四字意欲連綴其文殊不知顯忠之姓朱氏固屬無疑而世直既不知其人城破復不詳其地則所云敵攻西門者敵字又何所指耶謹錄原文存以闕疑士後無事蹟可載附見於此

于光字德剛泰州人初為蘭州指揮使洪武二年擴廓帖木兒兵至蘭州光力戰死之明年春太祖命分道北征大破擴廓兵詔贈光昭毅將軍以其子彥真襲職

府志

據節 舊志雍正府志不載

王烈象山人泰州守禦正千戶

雍正府志作嘉靖三十二年

三年倭寇通州巡撫鄭曉檄烈往援至黃茅港遇伏與揚州千戶洪岱文昌齡其力戰死之奏聞加贈一級與

世襲指揮僉事

舊志參雍正府志 案三十八年海安兵潰千戶趙世勛鎮撫韓徹死倭難見

畧事

新府志失載舊志入篤行非是

許珍字天然崇禎庚午武舉人授陝西千總值張獻忠

亂左良玉師抵太原失利珍陳亡

節錄府志暨續秦州志稿

府志秦州烈女載武舉許珍甫妻劉氏案續志稿內

云許珍字天然又云劉氏適許珍甫一載甫字屬下

秦州志 卷之二十一
句府志刪乙原文乃連珍甫兩字作複名甚誤今改正惟新舊府志及州志選舉內俱無許珍而興化鄭燮有海陵劉烈婦歌紀其事則珍當是秦人舊志漏畧錄以俟攷

張伯鯨字繩海萬厯丙辰進士歷知會稽歸安鄞三縣天啟中調盧氏崇禎二年遷戶部主事出督延寧二鎮軍儲自黃甫川雍正府志作黃浦川西抵寧夏千二百里不產五

穀芻粟資內地賀蘭山東沿黃河漢唐二渠東抵花馬池素沃野亦荒蕪甚伯鯨疏陳其狀爲通商賈轉菽粟又倣邊商中鹽意立官市法以招之軍民稱便盜起延綏伯鯨參巡撫籌畫俘獲渠魁不沾泥擢兵備僉事轄榆林中路擊破賀思賢斬一座城金翅鵬等敗套寇於長樂堡巡撫陳奇瑜止其功進右參政七年春奇瑜遷總督遂擢伯鯨右僉都御史代之督總兵王承恩等分道擊破插漢部長及套寇於雙山魚河二堡伯鯨蒞延綏久視民若子以拾遺論罷民大失望尋論功起用蔭子錦衣千戶十年秋楊嗣昌議大舉討賊帝遣戶部侍郎溥淑訓駐池州專理兵食明年淑訓憂去卽家起伯鯨代之如淑訓官又明年熊文燦事敗嗣昌自出督師移伯鯨襄陽文燦之被逮也言勦餉不至者六十餘萬

伯鯨坐貶秩十五年召爲兵部左侍郎明年尙書馮元
颺在告伯鯨攝部事召對萬歲山疾作中官扶出遂乞
休又明年京城陷微服遁還福王立於南京伯鯨家居
不出

國朝順治二年大兵南下圍揚州與史可法分城固守城
破自經死妻韓氏冢婦郝氏同及於難子雅度善詩文
以諸生老乾隆四十年

心節入祀郡城忠義祠

明史參新舊府志 鄒漪野乘云
鄞濱海皆斥鹵地伯鯨躬自相度

知鹵水入晦澮禾立槁乃教民築堰埭均蓄泄遂爲百
世之利鄞俗主母刑婢妾輒加鍼於乳數十櫛比伯鯨
痛治之習遂草鄉人有占人兆宅者特巡方御史爲援
他守令或阿私伯鯨不可御史稱其惠而有義又陳奇

瑜傳云參政張伯鯨斬
滿鵞禽黃參耀隔溝飛

舊志入篤行所載甚畧新舊府志俱入江都案雍正
府志選舉中於舉人作江都人於進士作泰州人又
案崇禎州志選舉中已列伯鯨其爲泰州籍無疑故
詳錄之

國朝王相呂字望子前明給事中紀之元孫參議相說從
弟治春秋順治三年舉於鄉任睢寧教諭以文行教士
士皆懷之九年九月叛弁海時行亂攻睢寧城相呂督
兵拒守然巨礮擊賊及城陷爲賊所執罵不絕口賊斫
之握印而死子孫驛亦被賊斫旣絕復蘇詳孝友傳懷印奔

淮安愬於知府李廷梅事聞

贈國子監助教

賜祭一壇祀睢寧名宦本州鄉賢雍正二年入祀忠烈祠舊志

案志家舊例凡官於此者應入名宦然如趙福諸人既非泰州官又非泰州人因完節此地例當錄入而於秩官人物均無所屬故彙為忠節一門先後書之變通其例云

人物孝友

漢董永丁溪場人雍正府志作海陵西溪鎮人即世傳賣身葬父者

今丁溪場永與父墓並存西溪鎮有天女繅絲井舊志太

平御覽引劉向孝子圖云前漢董永千乘人少失母獨養父父亡無以葬乃從人貸錢一萬永謂錢主曰後若無錢還君當以身作奴主甚愍之永得錢葬父畢將往為奴於路忽逢一婦人求為永妻永曰今貧若是身為奴何敢屈夫人為妻婦人曰願為婦不恥貧賤永遂將婦人至錢主曰本言一人今何有二永曰言一得二於理乖乎主問永妻曰何能妻曰能織耳主曰為我織千疋絹即放爾夫妻於是索絲十日之內千疋絹足主驚遂放夫婦二人而去行至本相逢處乃謂永曰我是天之織女感君至孝天使我償之今君事了不得久停語訖雲霧四垂忽飛而去○山東省志永西溪千乘人今青州府博興縣有永墓博興古千乘地○張合宙載稱湖廣志安陸州仙釋董仲漢董永子母乃織女○崇禎州志注云案廣輿記永山東青州人徙居湖廣德安父歿黃州賣身以葬事蹟祠墓俱在德安碑碣可攷永有子為道士仙去亦在楚地泰州董孝子想別是一人年遠傳譌遂傳會為永好事者又為地蹟以實之耳

案府志據御覽作千乘人刪去亦是惟方輿勝覽謂

海陵西溪鎮爲永故居而孝子祠天女寺纁絲井皆以永傳又錦繡萬花谷於淮南東路泰州載天女纁絲井在西溪鎮西廣福院相傳漢董永所居井卽天女汲以纁絲者事屬傳疑今仍舊府州志錄而存之

宋錢渚字申伯翰林學士勰之孫家貧竭力以養母飲食極豐腆母病湯藥必嘗而進居喪哀毀骨立悲動隣

望廬墓三年

舊志參雍正府志

沈正端拱初父爲屯田院衙官使酒歐平人死正中途見父恐懼述其故正卽號呼褫衣就毆其屍巡警者捕送官獄具怡就死聞者悲之

舊志

案沈正事見宋史二百一十五邢神畱傳舊志以正作政且入元代並誤

張熹字立道宣和中居泰之唐灣事母至孝家苦貧自絕葷膳而日營甘肥以奉母赤芝生於門越七年又產舍後竹間前後凡十四本光潤如塗丹朱叩之鏗然有聲乃築三秀堂內閣劉旣濟爲之記侍郎蔣燦知筠州毛敦書皆以詩頌其孝感

舊志

府志注云案萬姓統譜蔣之奇從子名燦燦當卽是

燦

舊州志本作燦萬麻府志作粲

熹蓋元豐間人

顧忻十歲喪父以母多疾茹素者十載雞初鳴具衣冠

率妻子詣母寢問所欲如此者五十年母老目不能視物忻日夜號泣籲天母目復明年九十餘無疾而終舊志

元袁智周字道濟世為丁溪

舊州志作小海場

竈戶至正五年

父敬夫為總催劉正二虐辱死智周誓復讐陰佩刀伺

間便凡六年會止二為人所殺乃以刀棄之邗溝州尹

趙儼上其事旌之江陰王逢作袁孝子佩刀歌

舊志參府志

附錄

張緝字士明益都膠州人性孝友能詩文至正七年

與兄紳弟經同領鄉薦由澤州儒學正轉泰州幕職

棄之養親居揚州十五年揚州亂緝母姬氏方臥病

賊突入臥內舉槍欲刺姬緝以身蔽姬槍中緝脇三

日而死

元史一百九十八〇舊志云父右郵宦游揚州因家焉又云緝授泰州吏目又云高郵兵

犯揚州又云緝以身蔽母背負十餘槍不動子母保全移家姑蘇以天年終俱與正史所載不同未知何

據

案元史百官志上州參佐官知事提控案牘各一

員泰州係上州所云幕職當即是參佐官舊志云

吏目誤蘇州府志流寓門無張緝舊志云移家姑

蘇亦誤又案緝於泰州秩官當載至其事實宜列

府志孝友或府志流寓不當入泰州人物今以事

關風化崇禎州志已行編入用采元史附錄焉並

以正舊志之誤

明張毅字彥剛住丁溪場元末奉父母避兵大同明取大同立都指揮使司以毅爲書佐洪武五年母趙歿扶柩南歸道直沽父又亡路遠資竭乃火之負骸骨歸葬服除補浙江都指揮使司令史先毅有季父客死瓜洲仲父老病居鄉里十五年毅從延安侯平寇溫處還謁告省墓始得歸季父之喪奉金帛以養仲父時人高其義劉子仁爲著孝行錄蘇伯衡爲之傳

舊志參新舊府志

案舊志入尙義門新府志據蘇平仲集以毅爲揚州人今從雍正府志編入孝友又案毅官於明初雍正

府志入元代非是

張起遭兵亂與母相失起晝夜悲泣行求四方三十年得之於濟陰成廷珪贈以詩

舊志

吳汝宜住安豐場洪武中兄汝陽以蔡權鹽法事株連戍雲南烏撒衛越六年假歸憚於復往汝宜慷慨代兄行至黃陵廟遇風覆舟死七世孫嘉紀紀之以詩

府志參東

臺志

案舊志不載今據府志增入

周溢母陳邁危疾剖股獲愈後十六年父金病亦剖股救之父母皆至八十而終溢廬墓哀毀過常值水大至

不浸墓側人以爲孝感

舊志

宮永建字克昌號恒山廩生喪父時家貧從舅氏貸木計值僅償其半歷五十年病革名子亟取篋中書若衣償之父柩在堂會島夷入犯民盡竄子身居守曰柩存與存柩燬與燬耳時比閭焚劫永建家獨免生平尤重然諾卒年八十二子景隆字美中號玉崑性至孝父七旬病瞽朝夕顙天泣禱日復明後由歲貢生得官因親老不就父歿終身不仕永建景隆並祀鄉賢

舊志參宮氏族譜

舊志永建入隱行景隆入孝子案永建父子事實同屬孝行宜依合傳例錄人

劉光宁

府志作光字

諸生母病衣不解帶者數載母歿居喪哀毀臺院交旌之

舊志

李祐字守業號成字住海安鎮性至孝少爲吏以親老不仕父邁癩疾割左乳愈之萬曆二十四年事也越卜餘載母病復割臂以救三舉鄉飲賓不赴建心齋祠置義田義學修橋梁歲饑賑粥卒年五十三弟祉字振宇廩貢生考授禮部司務乞養歸與祐並以孝行稱祐祀孝子祠

舊志參采訪錄

崔蔚崇禎十六年父士科被誣陷獄罪且不測蔚上書訟冤願代父死推官湯來賀憐其孝暫令抵禁後事白

釋歸兄斌弟克皆封股救親時稱三孝子府志

張潔張應祥次子母劉見節孝門病劇封股救之得愈

張嘉正張應文子母毛見節孝門病篤嘉正剖膈肉二片和

藥以進母立愈

徐宗鳳徐仲之子母繆見節孝門病宗鳳封股療之

已上三人采舊志節婦傳增入

杜日榮字春陽諸生住安豐場母丁年老齒脫以參苓

果餌代膳者垂二十年蚤夜焚香禮斗冀延母壽雖逆

旅中不廢士林推重之崇禎間歲澇發困粟疏市河以

拯貧民年九十一舊志

黃展號恭渠住姜堰鎮母臧曾浙米粉為元宵節饌母

歿遇元宵必流涕輟食待兄弟子如所生每秋成所入

咸分給之舊志

劉自成劉時雍子父病顛天請代嘗糞以驗院道獎之

舊志

蔡耀諸生年十三父病篤封股以進病遂愈侍郎張伯

鯨為之傳舊志

崔之秀崔士雲子住富安場出後其叔父士雷舊志作士電今

依東志事嗣父母至孝父患背疽口吮之無難色後父歿

之秀寢處柩旁者三年舊志參東臺縣志案東臺縣志入國朝

案府志附錄姓名萬中英李蔭周溢錢誼孔學文繆
好直繆嶽余申吉徐彬生許成劉光宇宮景隆邱俊
王隲施錫十五人內周溢劉光宇卽劉光宇舊州志有傳
今仍編入繆嶽入篤行宮景隆附宮永建傳繆好直
見東臺志餘俱無攷

國朝王日強字坤明順治八年其母染疫於姊氏家日強
禱於關帝廟剖左脇截肝寸許昏仆神痊前遠近聞而
觀者數千人其姊奔救昇歸取肝和藥進母母愈日強
五晝夜始甦月餘創乃復母性不喜雪歿後旣葬值大
雪日強挈帚趨墓所埽之僵凍幾死妻子掖之歸翼日

雪益甚仰天號泣不止鄉里呼爲癡孝子府志舊州志不載

蔣一麟字仁趾明季兵亂民皆遠竄其父愼吾以病不
能行一麟侍父湯藥兵至麾之不去以情哀告兵曰孝
子也相戒勿犯父子獲全舊志

陳宗讜字敢言諸生性至孝順治戊戌忠讜年十八父
母俱遭危疾先後刲股愈之得旌獎次子鑑亦刲股以
救祖母其僕青霞見祖病篤涕泣刲股康熙己卯年事
也人以其爲錫類之感舊志

杜光先字海樹號岸修髻年母疾顛天願以身代侍奉
不少倦一夕母夢神授以藥遂瘳弱冠爲諸生所得館

修奉甘旨外弟妹婚嫁皆力任之母歿臥父足畔者三十年州牧柯榮庚朔望講約必列光先行事以爲訓康熙庚辰成進士授浙江湯溪縣令縣之山多楓樹更號楓山清正愛民屢有嘉禾之瑞湯人卽九峯書院建生祠祀之戊子分校浙闈所得多知名士告歸後研究朱程之學將終語其子曰我此時自檢從無不可告人之事遂端坐而逝著有詩文集舊志參府志 案舊志入宦績府志入文苑

周繼文年十一夜有羣盜入室縛其父俊符索金不得以火灼之家人驚避繼文持杖直前與盜鬥盜去而父竟以焦爛死奉母何控官捕盜抵法府志

何世源性質訥不務文飾順治十五年祖母盧年九十

病劇世源時年二十三夜焚香祝天將割肝以救方礪

刃於碗恍惚見一青衣童子來供水少頃不見至夜深

避人潛剖左脇見其肝自吐乃割一片烹以進給祖母

日羊肝也食之少愈及曉猶入市取藥歸乃仆卧不起

家人驚視始知其故未幾創痕自痊府志

蕭應鳳父思山母單氏相繼亡應鳳哀毀逾禮旣葬引

席作幃廬墓六載霜雪未嘗少離與人言輒流涕孺慕

終身不衰府志

周煜字子建 嘗病腹滯煜嘗糞以卜比父歿哀號嘔

血痛不欲生間里呼爲周孝子而不名學使者特給衿服焉府志

何世綬母病篤禱於北斗求以身代又念兩世一身恐絕先祀乃割股以進母食之愈越十餘載母得噎疾又割肉以冀其愈逾兩月疾未盡瘳又割股肉燒灰調酒飲之母病竟起府志

案王日強及周繼文以下五人舊州志俱不載府志采十場志鹽法志俱作秦州人此在秦州未分縣以前於例得書故仍府志錄之至府州志未經采入今已見東臺縣志者雖在未分縣時亦不備錄

田毓葵字蘭玉住秦潼鎮父鍾宇歿後自任家務俾二弟得專攻舉子業以祖居荒邨恐聞見淺狹送之入城讀書餽薪米不絕毓芝有聲庠序顯吉中順治辛丑進士皆毓葵力也累舉鄉飲賓子五人次子鉉康熙丙午領鄉薦舊志參東臺志王孫驛字阜馬其父相呂官睢寧教諭死難時孫驛大呼奮刀救父賊斫其體死良久復蘇有僧以藥敷創口數日愈乃捧父印懇諸淮安知府得邀

旌典耄年州牧武聞其事命其子扶掖入署手摩創痕嘉嘆不置書額贈焉舊志

黃今淮諸生母病禱天願以已算益親剜肉和藥進之得愈後一歲兩乳皆男人以為孝感所致舊志

黃榮父九清疾篤榮時年十八籲天請代日夜侍湯藥憂瘁致疾父愈而榮竟死學正曹濬為之傳舊志

楊江母喬氏病盡鬻田產供藥餌三日割股兩次母愈父世泰歿與弟洛哀毀骨立茹素終身江女亦割臂救其母里人謂孝出一門部院獎之舊志

蔣乘龍母張病危割股愈之父歿廬墓敬養庶母院道旌之舊志 案雍正府志乘作承

陳秉憲字宏章年十六為諸生父綬早世祖志襄病顛天割股得愈後以勤學積勞歿年僅二十一士林悼之舊志

秦定遠號以御康熙癸卯武舉人性至孝以母黃春秋高不赴都會試日夕侍養母病割肉和藥沉疴立起工書好吟詠年九十有七舊志

宮龍宗字掌雷附貢生檢討偉鏐第六子居父喪每一慟即聲氣不續及丁母艱弟兄皆遠宦未歸龍宗獨營喪葬廬墓二年以哀毀成疾歿年三十八弟世洪號澹菴亦以孝行稱舊志

施一儒施宗周子母翟早寡守節一儒以孝舉於鄉采舊

泰州志 卷之二十二 孝友 七

志節婦
傳增入

崔大經父子俱以孝旌

舊志不載見府志節孝門事實無攷

陳綬字儀藻號省齋八歲能文十二歲爲諸生旋食餼後由貢生官中書因父病劇告歸終養侍晨昏廢寢食者逾年積勞成疾鄉里稱其純孝歿年三十六

舊志

官壽平字貽安巡撫夢仁長子年十歲爲文大父偉鏐奇之長益嗜學七試不遇入貲爲郎性篤孝侍夢仁遊宦母病籲天求代及歿哀毀骨立扶柩歸渡洪澤湖風濤幾覆舟壽平抱柩哀號矢共存歿竟得免既葬廬墓

撫季父遺孤如同產事父妾猶母歿年三十八以子翼

宸雖貴贈如其官著有靜敬堂詩文集

舊志

張彪號閒嘯副貢生工詩古文詞母病刲股以進與人交慷慨直諒遠近聞者樂與之遊

舊志

陳仍字紹裘給事中忠靖長子工詩文屢試不售由廩貢生授訓導方忠靖官京師時仍年甫十歲母沈病篤刲股煮藥以進里黨交稱之

舊志

高炎字幹侯廩生工詩文究濂洛之旨逮事祖文玉孝養倍至文玉於明季官揚州營守備分汎宜陵鎮值寇至同官欲撤橋阻寇文玉不允挺身禦寇民得渡橋全

活者無算父日起久病炎親侍湯藥不倦父歿母劉復
遭篤疾炎焚香祝天割臂和藥以進母疾遂瘳後以子
簪纓貴贈如其官孫曾累世登仕版著有性理銓微四

舊志

吳濤父銓病泣禱於天願減算益父尋愈兄湘弟淞皆

先濤歿濤敬事寡嫂撫姪如子州牧扁獎之

舊志

徐錦字九章諸生事親至孝有兄弟然竭已力奉甘旨
不相推諉兄無子敬養之弟早歿代完徵租撫姪如已

子云

舊志

徐九章性至孝無兄弟母病危倉皇無醫藥費乃以刀

刺脇肝自流出割指許煎湯奉母母有起色不能納糜

粥婦翟氏輟其七月兒乳以乳姑竟獲瘳

舊志參府志

府志不錄徐錦疑九章卽錦也案九章一爲字一爲

名錦有兄弟九章無兄弟其事實亦不同今從州志

至府志云割肝州志云割肺則未知孰是也

潘大成字葆光以字行善屬文母秦病劇割股以救郡

守魏極嘆獎之後以攻苦致疾卒

舊志

袁平江字六占父母歿懸遺像於堂中事之如生晚年

講心性之學多所發明

舊志

單家謨諸生父病割股母歿事繼母盡孝撫諸弟盡友

愛性好善曾捐貲建關帝廟並施藥濟人焉舊志

黃宸字御九諸生親歿歲時哭祭於墓終身不衰兄早

亡撫其孤有成康熙五十三年蝗災捐賑粥施棉襖次

年水捐米百二十石州牧屢獎之舊志

陳大俊字乾生諸生事親以孝聞嘗赴省試渡江舟壞

同溺者皆死惟大俊遇他舟得拯起後疾病自知死期

與妻子訣斂時有羣鶴向棺長唳而去舊志

李廷蔚字蔚臣雍正七年武舉人兄歿姪負賈人錢廷

蔚曰兄子猶子也鬻產代償之舊志

高繩武字畚恬附貢生候選知州母唐年七十目失明

繩武每晨以舌舐母目積歲能見物母曰吾有目因有

子也生平慷慨急公歲饑捐賑以及施藥餌恤孤寡必

力任其事文昌閣在州治巽方久傾圮繩武捐貲修建

學使行署移泰州未久考棚覆以蘆蓆多苦風雨繩武

倡捐改建瓦屋士林德之以子紳知潯州府事贈如其

官府志參續志稿

孫健字汝翼廩生事祖孝祖老得脾敗症汚牀席健必

手自澣濯遇嚴寒十脂凍裂後以優行舉辭府志

姜維祺號澹菴康熙丁酉武舉人効力河工以守備用

念親老遂歸歸而父病與其弟舒祺侍奉左右並以孝

稱續志

仲青巖字蓉千雍正癸卯武舉人其兄蜀巖由舉人授內閣中書越一年病歿父母哀邁嫂寡姪孤青巖奉晨昏恤苦節例得官以親老不就後子孫俱列庠序人以爲孝弟之報云府志

易純臣字效忠廩生乾隆丙子大疫母病終純臣亦病匍匐視含殮哀號仆地屬續時家人以無棺泣純臣張目曰存吾順事歿吾室也語畢而卒府志參續志稿

丁樂字希韶乾隆庚辰舉人幼失父每見父手澤必淚下奉孀母終身不離左右學使張廷璐扁表其門府志

繆閱達諸生父母病嘗穢以驗居父喪哀毀踰禮乾隆

十一年題 旌建坊府志參東臺志

李文彬小字武香保住海安鎮以煮鹽養父雍正甲辰

七月十九日海水溢文彬負父而走同死風潮中邑人

程伯齡作武香保歌紀其事府志參采訪錄

戈安淮字寅士諸生家極貧購精鑿奉母已食麤糲母

好潔臨終未浴淮以舌舐尸斂府志

李琦字韞輝兄亡嫂寡兩弟俱幼父欲析其家琦哭阻

之且誓於神父病剗股以進父歿析居兩弟貲日削琦

仍合其家越十載家漸裕均其數分之府志

王以鉦字震九號定齋貢生事親孝與兩弟析居時田產皆取其下者姪榮禧幼失父母撫之入庠采訪錄

朱彤階字殿辰諸生孝事孀母臨終出館修所餘分給諸弟不以私子鄉人稱焉府志

朱希洛號範川歲貢生父謙服為知名士見篤行門希洛幼

而穎異性至孝母病侍湯藥衣不解帶者三年居喪哀

毀遠近稱焉析居時讓良產與兄弟族中守節婦貧不

能上達者為之請 旌嘉慶乙丑水災倡捐賑濟甲戌

旱亦如之生平好蓄書能博覽尤耽吟詠著有寶燕堂

詩文集八卷詩餘一卷采訪錄

周謨字宜顯監生其門產弟調以竊案控州州牧秦熈

貪酷不法有秦剝皮之稱怒調語迫切遂坐以誣良瘼

死獄中先是有林某者與調有却調之死實構成之謨

與從弟經綸歷訴上臺事 聞熈褫職林某亦寘於法

采訪錄

高壑號鏡沔候選知州性醇謹盡孝友父榮軾晚年多

病壑遂不謁選晨昏侍湯藥者數載及父終以哀毀致

疾未幾而歿鄉黨惜之采訪錄

儲鳴珂字擁垣諸生兄患癆疾夜寢足冷痛鳴珂以腹

暖之年七十有九以子士雄貴 封武翼都尉府志

高垂裕字啟昆父官柳州母歿於署垂裕扶柩歸途中遇虎突至跪禱曰吾不足惜奈母柩何虎竟去府志

袁本暢字樹人父病瘵禱於城隍廟封左股和藥進父夜夢神語曰以汝子孝延壽一紀病尋愈子廷詔亦封

股救母府志

宮彥超號躍雲乾隆戊午舉人幼孤事母孝析產後與

兄超曾共居家貲悉供兄用既領鄉薦州牧延課其子

未嘗一與公事撫孤姪錫朋有成鄉黨稱之采訪錄

韓谷暄字近宸諸生性醇樸尤孝於親復先塋修族譜

恤孀嫂撫遺孤皆稱貸以成父志年逾六旬猶嬉笑以

博母歡母歿哀毀不欲生人有稱其孝者則感然驚深

自晦匿鄉里交推之采訪錄

錢塏字位爽監生十歲時父炳有癘疾他去不知所往

家中久無耗塏至十五問母何不見父母告之故遂潛

出覓父偏厯艱辛逾三年竟得父於清江浦時父疾已

愈偕之歸受室後喪母哀毀骨立父老病塏臥父側衣

不解帶父歿廬墓三年采訪錄

程兆泰十一歲而孤復喪母痛不欲生粥器具盡喪葬

禮如是十四年尙未有室或寄跡他郡感春秋霜露雖

數百里必歸哭墓乃去采訪錄

徐禮字守敬住海安鎮性友愛盡以田宅牛馬器物讓
兄而自居馬廐中風雨夜作廐崩壓二子比明發屋子

竟無恙

采訪錄

吳會字曉嵐嘉慶甲子舉人家貧養父母甘旨無缺居
喪水漿不入口哀動鄰里領鄉薦後從學者日衆潔已

自好足不踐公庭年六十三終著有竹所詩詞集

采訪錄

王世晉字觀來諸生以孝聞工詩文勤學早亡士林惜

之

采訪錄

朱學字謹堂廩生父病篤學亦憂瘁成疾中夜禱天願
以已算益父越數日氣絕復蘇父子並愈

續志稿

李登雲李善樹僕也生八月而孤母改適安慶登雲纔

數歲時走其父壠上哭極哀見安慶人輒問母所在比

長渡江尋母得之無錫迎歸養焉

續志稿

朱昊字樂菴貢生家貧善事父年六十餘父亡以哀毀

致疾里人謂之朱孝子又有韓鶴字臯白李士奇字伯

魁葉厚宣字其凝王苑才字翰藻李涪字思椿監生黃

琪字東玉王繼昌李林山李文波九人俱以孝弟聞於

鄉

續志稿

徐萬侯母疾貧不能具醫藥禱於神夢神教以服天馬
心乃可驚寤急走藥肆徧問無此味乃悟曰吾身屬馬

必吾心也遂剗心中肉旋暈絕聞神云此孝子不宜死恍惚如眾人翼之雲霧中忽醒創已合而肉在手烹以

進母母頓愈

府志采廣陵詩事○東臺志云徐萬侯搯舟為業往來興化東臺間父病篤祈方於

華陀廟需馬肝療之自分貧不能購因悟已生值午午

馬也遂剖脇引肝出割一葉復納肝入不知痛楚作羹

進父果愈乾隆二十六年陳相國巡撫江南聞其事書

聯予之日曾是以為孝乎其愚不可及也後縣令王玉

成旌之日愚孝可風免其應差○金兆燕徐孝子詩云

揚州孝子蕭與任剖肝奇事傳至今興化乃有徐孝子

母病醫母醫以心孝子之心肺且誠起死絕勝參與苓

取心奉母母已活真心自在兒還生兒心母心本為一

生機一片相盜溢我謂衰衰世間人止有此人心不失

孝子孝子徐萬侯無心一世惟搯舟可憐白髮鱗且老

終朝孤影臨寒流我為作歌悲以愴此人耿耿誰堪傍

千秋只有安金藏○府志注云或謂陳周森草堰人搯

舟為生禱於金龍大王廟夢神使用馬肝周森賣船買

馬剖肝進母母病益劇又夢神責以馬肝乃悟已生於

雍正丙午屬馬剖左脇下得肝煎以飲母母遂愈周森創口亦合惟一小穴如米大有水浸出乾隆戊戌春運司朱孝純聞其事命來郡城謁蕭孝子祠墓出百金作文贈之

案府志以萬侯為泰州人攷東臺志所載巡撫縣令

歷加優獎其為東臺人較有據而其事則在東臺未

分縣以前故應屬諸泰州也又嘗聞興邑父老所述

與金詩相符或因萬侯往來東臺興化間遂誤以為

興化人耳至陳周森事是否即萬侯事或云剗心或

云剖肝傳聞有異備錄之以俟攷

黃受卿

剖股救父有司旌其門

袁懋良

諸生剖股救父郡守請旌給粟

王相林

年十三剖股救父

朱雲龍

與妹淑德同剖股救父州牧旌獎

楊日藻 號君閻廩生 割肝救父

韓日永 割股救母 得旌獎

黃元烺 割股救母

沈江 號一本監生 割股救親 學使旌之

黃學詩 割股救父

徐旭 字良善 割股救父 著有愛日堂集

王晉錫 字康侯 割股救母

楊開宗 割股救母

葛森 字瑤彩 割股救父 學使雷旌其門

姜山崑 字錦巒 割股救母

陳家珍 年十八 割股救母

喬暲 兩割股救母

李祖聖 九歲 割股救父 歿哀毀如成人

韓瑤 割股救母

陳鎰 職監生 割股救父

陳師理 諸生 割股救母

徐乾 字瑒遠 割股救父

鍾宏 字紹章 割股救母

案黃受卿已下二十二二人於割股外別無事實可紀

故彙錄之非有軒輊也又案府志附錄姓名李祐應作祐

等二十六人今據續志稿采訪錄編次外崔之秀

入明代高簪纓入仕績徐時命蔡日泰蔡承才符宏

恩徐祺繆昌應作昌宗並見東臺志其吳士俊施鴻孫楨

三人無攷

秦州志卷之二十三

人物仕績

吳呂岱字定公廣陵海陵人也爲郡縣吏避亂南渡孫
權統事岱詣幕府出守吳丞權親斷諸縣倉庫及囚繫
長丞皆見岱處法應問甚稱權意召署錄事出補餘姚
長召募輕健得千餘人會稽東冶五縣賊呂合秦狼等
爲亂權以岱爲督軍校尉與將軍蔣欽等將兵討之遂
禽合狼五縣平定拜昭信中郎將建安二十年督孫茂
等十將從取長沙三郡又安成攸永新茶陵四縣吏其
入陰山城合衆拒岱岱攻圍卽降三郡克定權留岱鎮

長沙安成長吳瑒及中郎將袁龍等復爲亂瑒據攸縣
龍在醴陵權遣橫江將軍魯肅攻瑒岱攻醴陵遂禽斬
龍遷廬陵太守延康元年代步騭爲交州刺史到州高
涼賊帥錢博乞降岱因承制以博爲高涼西郡都尉又
鬱林夷賊攻圍郡縣岱討破之是時桂陽滇陽賊王金
合衆於南海界上首亂爲害權又詔岱討之生縛金傳
送詣都斬首獲生凡萬餘人遷安南將軍假節封都鄉
侯交阯太守士燮卒權以燮子徽爲安遠將軍領九真
太守以校尉陳時代燮岱表分海南三郡爲交州以將
軍戴良爲刺史海東四郡爲廣州岱自爲刺史遣良與

時南入而徽不承命舉兵戍海口以拒良等岱於是上
書請討徽罪督兵三千人晨夜浮海或謂岱曰徽藉累
世之恩爲一州之附未易輕也岱曰今徽雖懷逆計未
虞吾之卒至若我潛軍輕舉掩其無備破之必也稽留
不速使得生心嬰城固守七郡百蠻雲合響應雖有智
者誰能圖之遂行過合浦與良俱進徽聞岱至果大震
怖不知所出卽率兄弟六人肉袒迎岱岱皆斬送其首
徽大將甘醴桓治等率吏民攻岱奮擊大破之進封
番禺侯於是除廣州復爲交州如故岱既定交州復進
討九真斬獲以萬數又遣從事南宣國化暨徼外扶南

林邑堂明諸王各遣使奉貢權嘉其功進拜征南將軍
黃龍三年以南土清定召岱還屯長沙漚口會武陵蠻
夷蠢動岱與太常潘濬共討定之嘉禾二年權令岱領
潘璋士衆屯陸口後徙蒲圻四年廬陵賊李桓路合會
稽東冶賊隨春南海賊羅厲等一時並起權復詔岱督
劉纂唐資等分部討擊春卽時首降岱拜春偏將軍使
領其衆遂爲列將桓厲等皆見斬獲傳首詣都權詔岱
曰厲負險作亂自致梟首桓凶狡反覆已降復叛前討
伐歷年不禽非君規畧誰能梟之忠武之節於是益著
元惡旣除大小震懾其餘細類掃地族矣自今以去國

家永無南顧之虞三郡晏然無怵惕之驚又得惡民以
供賦役重用歎息賞不踰月國之常典制度所宜君其
裁之潘濬卒岱代濬領荊州文書與陸遜並在武昌故
督蒲圻頃之廖式作亂攻圍城邑零陵蒼梧鬱林諸郡
騷擾岱自表輒行星夜兼路權遣使追拜岱交州牧及
遣諸將唐資等駱驛相繼攻討一年破之斬式及遣諸
所僞署臨賀太守費楊等并其支黨郡縣悉平復還武
昌時年已八十然體素精勤躬親王事奮威將軍張承
與岱書曰昔旦奭翼周二南作歌今則足下與陸子也
忠勤相先勞謙相讓功以權成化與道合君子歎其德

小人悅其美加以文書鞅掌賓客終日罷不舍事勞不言倦又知上馬輒自超乘不由跨躡如此足下過廉頗也何其事事快也周易有之禮言恭德言盛足下何有盡此美耶及陸遜卒諸葛恪代遜權乃分武昌爲兩郡岱督右部自武昌上自蒲圻遷上大將軍拜子凱副軍校尉監臣蒲圻孫亮卽位拜大司馬岱清身奉公所在可述初在交州歷年不餉家妻子饑乏權聞之歎息以讓羣臣曰呂岱出身萬里爲國勤事家門內困而孤不早知股肱耳目其責安在於是加賜錢米布絹歲有常限始岱親近吳郡徐原慷慨有才志岱知其可成賜巾

褱與其言論後遂薦拔官至御史原性忠壯好直言岱是時有得失原輒諫諍又公論之人或以告岱岱歎曰是我所以貴德淵者也及原死岱哭之甚曰德淵呂岱之益友今不幸岱復於何聞過談者美之太平元年年九十六卒子凱嗣遺令殯以素棺疏巾布禭葬送之制務從約儉凱皆奉行之

三國志
吳志

宋周濤字幾道慶厯六年進士歷知杭州錢塘縣爲政壹自急飭視民疾如在己不肯釋事實爲名聲要利所在民愛譽甚於士大夫治平三年授僉書梓州判官

府志

據王荆
公墓誌

周麟之字茂振敬述四世孫

舊志作五世

登紹興十五年進

士調武進尉未赴中博學宏詞更教授宣州需次間徙太學錄出倅徽州尋擢中書舍人知制誥兼侍讀會顯仁太后崩充哀謝使先是金主暴虐麟之往使不屈金主爲之加禮使還上嘉美之兼吏部尚書累官左朝奉大夫同知樞密院次年夏遣使賀遷復命麟之會天中節慶使至持媢書且索兩淮襄漢地中外忿之麟之因奏金人意可卜宜練甲申傲使不當遣上曰卿言是也彼將割地何以應之對曰講信之始分封畫圻應有載書願出以示之彼將自塞使者果無語麟之又上疏極

諍曰臣聞事有必至理有固然昔之和戎今日之渝盟不待上智而後知矣若彼有速亡之形我有恢復之冀在陛下審處而應臣當竭智畢力贊成事幾使搖尾乞憐臣竊恥之疏入謫秘監分司南京居瑞州孝宗立復左中大夫尋卒年四十七麟之學識宏富辭令得體著有海陵集

舊志參府志宮偉鏐庭聞州世說

周種字仁熟敬述五世孫少有遠度王安石一見奇之熙寧九年與弟秩俱擢第調江寧府右司理元祐初蘇軾舉爲鄆州教授久之擢著作郎兼崇政殿說書陳瑩中薦於上權起居舍人會咸陽民獻玉璽朝議欲因以

改元種言所獲者秦璽耳以之改元甚無謂拓宗曰卿其與宰相議種退爲別白言之卒不能奪由是忤政府因鄒道卿之出陷以罪貶寧海軍僉判徽宗嗣立遷鴻臚少卿自是補外爲桂帥其時有黃璘者以南蕃洞主歸義累擢觀察使提舉醴泉觀妄覬賞典誘蕃商使人牂牁詐爲其國王段和譽進貢種核其僞蔡京怒奪集英殿修撰罷領宮觀越五年蕃商僞使以分賜不均爭相攘奪事聞璘竄死復右文殿修撰知廣州蕃舶抵郡象犀香珠之屬一無所受靖節元年卒幼子方崇紹興中歷三院御史擢禮部侍郎

舊志

周秩字仲實與兄種同舉進士歷官有聲元符中當國者革元祐政痛以法繩下時邢恕等令蔡確子渭上書訟劉摯等謀危宗社引文彥博子及甫爲證上遣朝臣覆實卽以兵防二家悉囚其子弟召秩爲西京轉運使哲宗面諭曰彼欲盡誅大臣以下將置朕何地秩到洛察其無他卽釋禁防招二家子慰諭之具奏語不涉乘輿非有異志事乃寢大忤時相意仕終集賢殿修撰贈

徽猷閣待制

雍正府志
參舊志

元石光著字仲明至正間爲嘉興尹多善政士民立碑

頌德

府志采明
一統志

明楊廉字念清洪武中由貢生為御史宣德初擢貴州右參議在黔六年清撻一節賜璽書褒之及卒無資歸里遂卜葬城東三坡林因家焉

府志采貴州通志

周沂字公魯諸生洪武初濱海年凶朝命賑饑有司未及舉行民欲叩閭訴冤而無其人沂方弱冠毅然請往抵金陵值上微行以流民狀行歌於市上詢得其概命具疏入即逮所司置重典賜深衣大帽書股肱二字予之官九江知府時江西積有逋賦沂往徵之積逋一清多所修舉以抗直忤當道謫戍遼北士論惜之

舊志參東臺縣志

潘原明與張士誠同起鹽徒士誠以為浙江行省平章守杭州明李文忠師至原明詣軍門納款以全城歸附太祖嘉之仍授行省平章世襲指揮同知洪武十四年雲南新定以原明為布政使民皆安之十五年賜葬鍾山之陰

舊志參新舊府志

李伯昇初與張士誠同起士誠據姑蘇以伯昇為浙江省平章守湖州徐達攻湖州伯昇固守達以降將呂珍徇城下乃出降太祖仍其官洪武元年進中書平章同知詹事院事征陝西二年大行封賞世襲指揮使事五年命為征南右副將軍討靖州蠻十三年命守漳州未

幾召還卒

舊志參新
舊府志

施文初本從張士誠後歸附徐達麾下從征克山東下河南守北平取陝西畧察罕腦兒皆預焉尋從克成都征和林入沙漠征大石崖所在有功升浙江都指揮同知改山東都司移鎮淮安子儀襲指揮使

舊志參
府志

陳珪洪武初從大將軍徐達平中原授龍虎衛百戶改燕山中護衛從成祖出塞爲前鋒進副千戶已從起兵積功至指揮同知還佐世子居守累遷都督僉事封泰寧侯永樂四年董建北京宮殿八年帝北征輔趙王畱守北京十五年命鑄繕工印給珪並設官屬兼掌行在

後府十七年卒年八十五贈靖國公諡忠襄從弟良號

文忠出征有功官都督僉事贈奉國將軍

府志采
明史

陳祿字添貴景泰年舉人官衢州西安縣教諭卒於官

崇祀名宦

西安
縣志

王讓字時遜景泰三年舉人歷知三縣皆有奇績復知四川洪雅縣縣初建城垣公廨俱草創讓隨方規辦與民同畚鍤間出已俸犒賞未期工竣民不告勞暇則循行阡陌田稅均平數年戶口增五千餘致仕歸邑人建

遺愛樓塑生像事之

府志參
雍正志

張文字存簡成化二年進士官刑部時奉命錄囚畿內

多所平反有馬平兒者報父仇抵罪文上疏謂君父之
仇必報反復累數百言讀者感動平兒遂得免死升浙
江按察副使伸雪冤枉全活甚衆平生自奉儉約如寒
士周人之急則罄所有弗吝尤嗜學不倦所作詩文皆
有關世教云

府志參
舊志

冒政字有恒成化十一年進士授南京戶部主事歷員
外郎郎中出守武昌守正奉公多所興革升山東左參
政弛南旺湖禁以食貧民又分守遼陽正德間升江西
右布政使奉新饑盜且起政賑恤有方一時晏然復以
所餘餉銀歸於代者晉右副都御史巡撫宣夏忤逆瑾

以遼陽軍儲事逮治削職罰米三千餘石瑾敗復官家
居十餘年卒賜祭葬如例

舊志參分
省人物考

陳相字子鄰初守蒲州疏請王府祿米每石折銀一兩
民皆稱便遂爲定制值歲災大發賑幼穉棄道路者悉
全活之升戶部郎出知台州府定策擒巨寇晉廣西參
政台人爲立去思碑卒祀名宦所著有蚬鳴稿及同儲

壠唱和集

舊志

徐蕃字宣之號北屏宏治六年進士乞養歸後謁選授
南京吏科給事中以論劉瑾逮杖幾死放爲民瑾誅起
爲江西參議擢浙江提學副使抑浮靡崇理學累仕爲

都御史出撫鄖襄清覈流民得二十餘萬後以工部右侍郎提督易州廠以疾乞休蕃性簡淡寡嗜好居處衣饌取給而已嘗見其子治室頗整志之素無妾媵其妻在家爲購女備巾櫛蕃歸卽日遣還其家

府志參舊志

王紀字理卿正德六年進士知江西進賢縣時洞蠻姚源古殺掠爲害紀身抵其穴討平之在邑三年清滯獄革苛政建鍾陵書院祀先賢周敦頤置院租餼守者進南京工科給事中首疏建皇儲謹大祀及邊防時務疏凡十餘上宸濠之叛畢太監謀內應紀與兵部尙書喬宇策縛之武宗南巡紀屢疏請還後爲言者所中謫浙

江嘉興

舊志作嘉善

縣丞升山東武城縣會濬沱河決捍治

有功擢高唐州以憂去起補河間未幾擢陝西僉事以賑濟積勞卒於官廟祀高唐

府志參舊志進賢縣志

儲洵字平甫正德六年進士官兵部郎中左遷知沔陽歲饑積逋賦所司督責洵下令悉停止民賴以安沔田多水患請修築河防言甚剴切沔陽志良牧傳稱洵河防一疏萬世之利惜未之行遷台州同知升漳南僉事漳舊多盜洵設條約擒逋寇黃滿餘黨悉靖顧以守正不阿致仕歸闢雉山園日讀書其中博采建文諸臣編輯革除錄及卒門人私諡文貞子

府志參舊志

徐嵩字小石蕃子正德十六年進士授戶部主事與議
興獻大禮忤旨受廷杖尋復職升郎中出知保定河間
府擢湖廣副使分巡江防時牛首山礦徒猖獗辰衡兩
府騷然撫按屬嵩調官兵一鼓殲之捷聞遷山西參政
晉布政使撫順天朶顏三衛連結哈密謀內侵嵩多方
經畧諭以恩威衆皆欵服後因胡守忠事謫戍踰年歸
府志參
舊志

沈良才字德夫嘉靖十四年進士改庶吉士授兵科給
事中尋轉工科左給事中時浙省盧綱孫存互訐奏良
才往勘伸存而抑綱舊志作伸
綱斥存誤綱寘法一切株連皆得

釋人稱明允遷吏科給事中嚴嵩甫入閣良才疏列其
奸不報升南京大理寺右丞晉左少卿因丁汝夔事忤
旨廷杖尋以僉都御史巡撫湖廣升兵部右侍郎值倭
寇朝議遣大臣討之嵩憾其曾劾已奏遣良才會趙文
華自疏請往不果行嵩復誣以他事削職後其孫道隆
具疏上陳得復原官初良才爲諸生時富民劉欽請賑
諸生之賢者良獨却之御史李東嘉其節爲備禮冠婚
卽於是年舉於鄉府志參
舊志

王陳策字師董嘉靖二十六年進士宰兩邑俱有惠政
厯官工部郎出守廣信傷夏言之死訪有一子在襁褓

義僕竊逃得脫寄寺爲僧陳策託故往訊已十四齡矣

輿之歸召鄉紳而見之四坐爲之垂涕有許姻者卽納

幣擇日爲成婚禮事載廣信生祠碑中府志

顧廷對字子俞號直齋嘉靖三十八年進士知浙江平

湖縣減驛馬復塘長酌開河事宜一時稱便擢御史不

避豪貴先是宣德時以宣城逼山多虎傷馬暫令泰州

寄牧馬千六百五十四匹久爲民害宏治間儲懽爲太僕

奏蠲馬八百匹及廷對視馬政奏蠲種馬之半鄉人德

之出按江西持法平允後謫官涪州改嘉善縣令未之

任而卒刊有尹湖未議江石奏疏府志參舊志

凌儒字真卿號海樓嘉靖癸丑進士初爲永豐令多惠

政擢御史疏請重貪墨之罰革虛冒之兵搜遺逸之士

因薦洪先陸樹聲吳徽吳悌帝惡其市恩遂罷職事具明史

楊思忠傳 儒家居後尤有功桑梓泰糧六萬有奇四萬屬下

河下河地勢卑下田盡傍高寶長隄隄一傾則田盡沒

民或魚鼈儒力請當道議開丁溪白駒二港洩水入海

相度疏濬不避風雨民享其利卒年八十著有舊業堂

集府志參舊志

陳汲字汝汲嘉靖丙辰進士授刑部主事卒於官初觀

政戶部時奉差解餉至山海關值敵帥擁衆聚圍汲與

守關使者巡城誓師晝夜不息因畫奇計從材官中識
有蔣武生者可用乃命旦日忽開門以偏師出敵不意
貫其中堅驚以爲神因夜走圍遂解巡撫蘇志臯欲以
事聞汲力辭志臯歎服以爲遠器

舊志

張桐號鳳樓初爲山陰令多惠政就常調擢南京戶部
主事以憂去服闋選宜補北素性恬退仍以家近請
南稍改南職方歷車駕職方員外郎郎中時江陵相黨
爲操江侵本兵權預選補江營諸將桐引故事力爭弗
爲屈左遷武定州會監司酷鷲無人理遂致仕歸家居
者三十年工書法七

運腕如神

舊志

陳應芳字元振號蘭臺萬厯二年進士浙江龍泉松陽
令民爲立碑建祠設生像入名宦遷禮部主事教習駙
馬都尉以壽陽公主婚禮愆時發左右欺蔽狀且言公
主當恪遵婦道不宜使男下女姑拜婦上嘉納之典山
西試所拔如傅新德韓爌趙用光皆表表者出爲鞏昌
府丞遷僉事督學浙江攝閩藩積羨若干繕籍爲正需
遷南大理丞當入賀上敬天師古法祖勤民一疏遷太
僕少卿條馬政八議皆報可乞歸後力爭以正改兌與
鳳陽代糧二事詳見所著敬止集中又有守愚歸來日
涉園諸錄天啟四年祀鄉賢

府志參舊志

沈道隆字念毅以祖父良才蔭任南戶部照磨得楚黃
豪掾賊狀論治如律出判慶陽舊例軍需皆取給鹽課
道隆條上十七議軍商便之調夔州移饒州同知擒巨
盜數人箠殺之徙慶陽引河灌田令民芟牧河水溢開
渠築隄邊人德之

府志參
舊志

韓斐由御史知處州興學校培士氣枯之東鄉大堰久

塞斐捐俸修築民感其惠升山東參政

府志采浙
江通志

劉萬春字延之萬厯丙辰進士授戶部江西司主事管
西三倉摧崇文門稅仍以羨金繳上歷兵部員外郎郎
中往例武選一缺自邊帥以下悉納金綺萬春獨一無

所取時吳姓官侍郎疏請王良易名從祀萬春具應諡
名賢二揭謂王良胡獻林春宗臣顧養謙邱度六人又
凌儒劉永澄王納諫三人士論躉之升浙江參政溫處

道所至有聲

府志參
舊志

袁懋貞萬厯舉人知南康府句剔蠹隱飭兵清賦建院
築牖修白鹿洞延師主講興起士行升任去

府志

王相說字懋弼天啟壬戌進士任袁州府推官明於審
斷崇禎戊辰擢御史未半年疏四十五上俱得溫旨其
請復召對一疏卽奉旨行會溫錢爭相溫指錢爲黨相
說抗疏言人臣不可言黨人心當先息爭凡言黨者必

有爭心體仁欲以黨字塞言官之口則自體仁言黨羣臣始無黨而有黨也庚午出按山西值巡撫耿如杞入援師潰被逮邊兵叛殺兵道守將相說單騎詣營撫之而安仍令自推首事數十人斬以徇潰兵叛掠入境相說會同新撫仙克謹同日起兵抵暮偵報克謹中刺相說領其衆次於襄陵檄秦撫絕河流以防逸賊不數旬殺賊殆盡餘二十七騎渡河秦撫不能遏是爲李自成之始釁矣是年升湖廣參議乞病歸壬午起爲江西督糧參政時流寇益熾相說轉餉無匱左良玉兵南下恣肆淫掠相說委曲開諭左兵稍戢後家居十餘年而終

年七十六祀鄉賢

舊志參府志
袁州府志

黃太元字天侔天啟五年進士授中書試陝西所得士如韓城高辛印富平田本沛朝邑張表皆一時之彥

遷戶部主事督餉江北歷升廣西左布政使所至清慎

勤於職業

府志參
舊志

徐燿字蓼莪崇禎元年進士知福建隆溪縣剿海寇劉香老有功歷都給事僉都御史時泰州飛派鳳米萬石

民苦之燿特疏豁免卒贈副都御史

府志參雍
正府志

宮繼蘭字貞吉崇禎十年進士授工部都水司主事時建烽臺重城衆皆退避工部尙書劉遵憲知繼蘭才委

以專督節簡甚多視河夏陽倡議築城卒如其議出知
 兗州府兗為藩封重地繼蘭嚴於立法親族莫敢撓清
 宿逋錢糧至二百六十三萬有奇當事欲薦繼蘭備兵
 兗東以母老請養歸踰二十年復起羅定兵備不赴卒
 於家祀鄉賢及兗州府名宦

府志參雍
正府志

王相益字懋虞崇禎二年拔貢生官福建招撫海寇有
 功補福州府海防同知督造封船從使臣杜三策航海
 冊封琉球國王後乞養歸事母以孝聞

舊志

案舊志新昌令何金聲濟南通判劉時雍兩人無事
 實可紀今刪

國朝崔之四字季公住富安場家素饒明崇禎初兄之一
 之二以家難死讐人手讐人為同祖兄弟將並謀之四
 以杜患時之四年甫十三乃陽為憨騃使讐人弗疑一
 日逸去號控當路卒抵讐於法 國初以例貢授中書
 從征滇南有功補安普兵巡道救還掠繫婦女萬餘人
 咸資以路費又宣諭崗苗率化一載之內邊境廓清卒
 於官

上諭曰萬里從征不辭勞勩冷署孤魂殊堪心惻令馳驛歸葬

廕其子一人

府志參舊志
東臺縣志

田顯吉原名毓蕙明崇禎間舉人

國朝成進士知山東嶧縣多惠績邑人德之督撫交薦內

擢會以疾卒年六十三祀鄉賢

舊志

張幼學字詞臣順治三年舉人知浙江鄞縣時軍事旁

午需餉孔亟又值造戰艦幼學處之裕如凡有征輸聽

民齋錘自投侵漁頓絕治邑八載遷大興去時攀留盈

道尋卒鄞人爲位而哭祀名宦

府志參舊志

陳忠靖字爾位號曉堂順治四年進士由中書擢刑科

給事中首呈早舉

經筵速差卹刑二疏皆報可時揚郡下河壘罹水患賦額

不供部議擬分年帶徵忠靖疏言臣鄉頻年饑饉雖帶

徵無益惟懇全蠲以廣恩卹辭甚剴切得荷

佞左遷歸里卒

府志參舊志

俞鈺字天水順治五年舉人任延安府推官未幾丁內

艱服闋補廣西太平府推官甫下車平反大獄誅鋤強

暴安輯苗民政績具載省志祀名宦康熙二十八年祀

鄉賢

府志參舊志

董大用字仰山遼東籍順治初任贛州鎮中軍官金聲

桓叛圍城數月石米五十金大用預儲米數千斛盡以

餉卒賑民時乘間出兵奮擊圍解以功升廣東總兵予

世職調守海澄宣布威德海上歸附者甚衆康熙中乞

休入籍泰州屢歲水滂大用捐銀米以賑活饑民百餘

萬口又建修學宮葺復海陽樓州人德之

府志

李嘉蔭字爾止

舊志稿云字爾孚號草樓

順治六年進士知安定縣

值大兵西討籌備軍需百姓毋擾捐俸修學宮與諸生

講貫事載安定縣志遷河南歸德府同知雪寗陵冤獄

母老歸養復起為陝西寗夏衛同知時響馬賊遍山野

有地名九岡十八凹為其巢穴盜魁王良弼劇狡勇屢

奉

旨緝挈未克獲嘉蔭以計擒之邊境始安升貴州黎平府知府

黎平清溪洞苗民倡亂有司議進剿嘉蔭諭以恩威許

其投順命軍士所取財物悉還羣苗苗民感服兵遂罷

貴撫特疏薦之遷守順德康熙九年以病乞歸卒祀鄉

賢

采舊志稿

俞鐸字天木鈺之弟順治九年進士改庶吉士逾年授

御史時值秋讞上疏停刑巡按宣大疏罷監司之不職

者又念淮揚數苦水患凡修隄勸災官每以供應擾民

請單騎減從永著為令疏入報可轉口北道參議以估

計獨石城工染疾卒於官

府志參舊志

沈喬生字國望順治十一年拔貢授內閣中書辦事直

房

世祖臨幸奏對稱

吉賜九成宮法帖一部康熙元年充頒

詔官以從剿闖賊

餘孽功除浙江處州府同知先是有仁和寺僧真元者爲主僧道元杖殺縛而沈之水壓以石閤數載矣值喬生公出見一巨龜浮水上隨人行止命役蹤之至麗水蘆潭橋下得一屍而橋旁卽仁和寺拘道元鞫之一語而服道元故多黨援救書盈案喬生悉焚之斃道元杖下處多虎患地多竹民皆用竹作屋一火千餘家喬生一夜殺五虎又立拆屋截斷法捐貲造火鉤火搭諸器民咸賴之旋擢守保定權巡道事理滯獄釋無辜時值

三藩之變大兵所過供頓不貲喬生悉力籌備弗以擾民十五年升陝西按察司副使肅州道肅州爲西北保障至則撫番夷開屯田理鹽驛整器械練行伍晝夜奉公以積勞成疾乞休歸貧不能給衣食州牧造廬訪之時屆嚴冬喬生棲敗屋中裹緇袍曝日牧愕然曰固知公清貧誠不意一寒至此喬生笑謝而已終無所干請焉卒年九十有六

舊志稿參
府州志

陳凝祉字懋吉順治七年舉人任汾州府推官剖斷疑獄持法平允分校晉闈遴拔皆宿儒晉都察院經歷升戶部郎中歷掌關樞以廉能稱轉湖廣驛糧道值吳逆

之亂轉餉軍前著有勞績上書總制歷陳戰守機宜行之皆效未幾引疾歸卒年七十有七著有敬由錄詩文

全集

舊志

葛覃字天衣順治十七年武舉人工詩任川陝督標守備統火器營兵二千奉

旨調酒泉康熙三十五年

仁廟親征噶爾旦統滿漢六師由中路出口調火器營防要鎮爾時守延綏過無定河河濶數里無舟梁奔流迅急覃乘馬渡河水滅至胸馬至中流幾溺死延綏截河套要口控扼千二百里防調所駐艱險備嘗具載家乘及所

編詩集中

王師奏凱

誥授明威將軍

府志

田敬錫字公燮由歲貢考授中書遷刑部主事歷升員外郎郎中時浙省一朝貴窩盜事覺有行數千金求寬解者卻不受卒按治如律秦蜀起大獄株連至千百人力持不可全活無算歸里後捐腴產值千餘金爲義學及囚糧之費歿祀鄉賢

府志參舊志

宮夢仁字宗袞號定山偉鏐子

偉鏐見文苑

十歲善屬文長

益博覽康熙己酉以靜海祖籍舉順天庚戌會試第一

癸丑殿試改庶吉士授御史疏十數上尤諳河務因淮黃泛溢急請疏理海口且繪圖人告出爲河南督糧道中州漕儲本折靡定夢仁綜核錢穀節省浮費以裕軍需無豪髮厲民丁憂服除補湖北驛鹽道晉山東提學副使釐正文體得士最盛內擢通政使司右參議累遷右副都御史巡撫福建察臺灣之勤派稽通省之盈虛禁人命之株連嚴兵餉之扣剋俱有功於閩疆逾年罷歸旋奉

旨分修南河高粱澗龍門壩高家堰諸要工露宿河干者六閱月功成淮揚得無水患

上南巡閱視嘉其勞績復原官自是閉門卻掃日事著述有自訂文集一百卷喻林文苑英華選英華粹語廿一史名臣言行錄餘年選述續南宮舊德錄若干卷其讀書紀數略五十四卷奉

旨刊刻行世卒年八十有二

特派史官潘庭筠立傳弟鴻麗四十五年進士官編修孫維別

有傳舊志參府志

繆肇祺字介茲康熙二十四年武進士任浙江掌印都司首除漕蠹方上奇軍民畏服浙省地狹人稠棺多暴露肇祺捐俸置義冢掩埋創建義學勸課子弟致仕歸

卒年八十一

舊志

劉卜師字子和號容齋康熙二十四年武進士授廣東肇慶守備從征猺屢立戰功移駐德慶州汎地爲兩粵咽喉客舟來往之路向苦梗塞卜師巡緝嚴明商民便之府

志

劉士虎隨父卜師任肇慶守備制府委授封川千總僅轄二十人時海盜聯四巨舶乘風而來士虎曰宜速還戰至岸則受其毒招一卒自隨躍小舟手鐵鑊重百觔大呼創盜數十人盡披靡後十九人始至制府聞之大喜將加擢用而竟以是役傷力死其妻年二十一扶櫬

歸

舊志

案舊志士虎附叙其妻節婦陳氏傳中茲列入仕績張洙字泗水康熙三十二年舉人以中書改授雲陽縣令士民愛戴兩立德政碑及引疾歸又立去思碑以頌之舊

志

繆肇封字山州康熙己卯武舉人任興武衛守備旋加叅將銜爲江西袁臨都司蒞任後清還營中逐年借支縣倉之米兵得按月支給三年乞老歸袁臨兩郡士民感之建生祠立德政碑

舊志

宮懋言字書升號澹菴康熙四十二年進士知山西臨

汾縣蠲免逋負案無積牘一日建治事廳見堂前一大木詢吏所自答以購自木商責曰價未給何自來也還其木於商自是胥吏肅然平陽三十四州縣有控府者必日求如臨汾令乃獲伸後擢江西吉安府通判署袁州府卒於官刻有拄笏樓詩集續志稿本沈龍翔撰傳

唐麟翔字石郊號竺巢康熙四十二年進士知射洪縣捐俸修

文廟祭器建陳子昂讀書臺五十五年擢吏曹雍正年知蘿州革除市肆差徭調蔚州恭注

聖諭廣訓朔望集士民講解每月會課生童成蔚蘿課藝若干

卷致仕後邑人立去思碑著有中聲集舊志

田廣運字右君號謹齋敬錫子康熙四十四年

聖祖南巡獻詩賦

召入武英殿纂修辛卯舉順天鄉試壬辰會試

欽賜進士授福建惠安縣令惠安為海疆巖邑廣運莅任多異政士民畏懷遠人悅服督撫會疏屢薦奉

上諭田廣運盡心公務勤勞可嘉將次擢用入京需次卒於邸

中舊志

張文緯字振侯其先江都人父善政以討逆功授他喇勤哈番蔭襲三世

仁廟南巡三幸其家既文緯入籍泰州以濬茱萸灣河工議叙

授陝西武功縣令求免積欠民感其德改福建長江縣

擢同知以病歸邑人建祠祀之府志參續志稿

繆沅字湘芷先世於元至正間由嘉興遷泰曾祖欽以

布衣伏闕上疏籲免泰州浮糧萬五千餘石贈懷遠將

軍沅生而嗜學諸子百家靡不賅覽康熙四十八年進

士

殿試一甲第三授編修充五十一年會試同考官視學湖

廣每試一郡畢與諸生會講而去其有孝子節婦則親

式其廬應山楊忠烈漣江夏賀文忠逢聖子孫流落資

之使有以自立秩滿瀕行兩湖諸生送千餘里尋遷工

科給事中轉禮科雍正元年言事稱

旨賜貂裘松花硯等物訛尅減高麗車兩事鳳皇城邊人以和

擢太僕寺卿累遷工部侍郎轉刑部無疾而終年五十

八子四集進士梓琬樛皆舉於鄉雍正七年祀鄉賢府志

宮雖字炳如夢仁孫康熙五十四年進士授中書監督

通倉清嚴率屬無敢干以私以母老與兄翼宸同日乞

養歸素精易理著有花嶼山房詩集府志參舊志

陳遠臻字以漸貢生由教習期滿授貴州永寧縣令興

學課農民苗咸服報最入覲

仁廟賜性理唐詩蟒衣果餅授新興州牧游升刑部員外郎

中浙江道御史巡察北直順德等府至成安縣卒

府志

許光震字電青康熙五十四年進士知鳳翔縣會水災民艱於賦遣人回籍鬻產代輸銀數千餘兩後以親老

告歸鄉人稱孝友無間言

舊志

宮煥文字觀成號樸安康熙五十六年舉人挑選知縣改就教職雍正十一年成進士授工部都水司主事洞庭湖曩無舟泊地

朝廷命工興建舵桿洲以利行旅復因廢員呈請効力事竣報部議加核減煥文持不可謂工出民間物料多寡

應毋庸議且恐沮後人急公之心奏聞

報可乾隆三年擢山東道御史屢上彈章不避嫌怨八年秋充

順天鄉試內監試時功令嚴切中使口宣

諭旨日且數輩煥文敬謹奉行晷刻不少假借十三年充文武會試同考官巡視東西南三城及通州漕務晉奉天府丞累官通政使以病歸四十五年

高廟南巡特

存問賞賜有加卒年八十九後二年内閣

命咨查宦績史館立傳

家傳

宮耀亮字武鄉號鞠菴康熙五十六年舉人知陝西醴

泉縣縣有龍泉里石田不可耕力請上官奏免九十餘
頃銀糧唐昭陵建陵陵戶各給田數十畝乾隆十一年
有令陵戶退地築墻之議耀亮請參以通融乃聽民耕
如故其修縣城也因年饑以工代賑七閱月成嘗纂修
縣志畱心蠶織一條巡野董勸自是懿筐滿阡陌邑人
繪像祀之北山日宮爺廟

府志參醴
泉縣志

沈遴字輯之康熙六十年進士初署貴州施秉縣濬城
東諸葛洞河五十里縣民常被九股生苗燒害遴親統
官兵擒獲民賴以安補普安縣令有宋勉之子被盜殺
四捕無蹤乃爲文禱于城隍神立捕巨盜置之法三次

鄉試充同考官乾隆初年聘修貴州通志在任十三年
緩催科革陋規修學課士以疾歸遂卒子均歲貢生蒙

城縣校官

府志

朱永輝字潤生康熙間知湖南沅江縣首建義學建水
府閣造瓊橋修邑志刻楊忠愍文集政聲大著

府志采
沅江縣

志

周之松字壽于雍正元年武進士授廣東督標後營守
備歷署兩廣叅將軍政簡嚴工詩愛客官署臨海上有
二番客爭珠大譟械鬪適之松攜子虹來香嶼命懸珠
百步外榕枝上射之令日分左右黨射中左珠歸左中

右歸右皆中各執一客曰諾虹旋馬去後嶺飛策馳下一矢電激兩珠齊墮地客乃罷自是洋宄奸賈搗手過境數歲海疆晏然

府志

官大鵬字天巢雍正七年拔貢生舉賢良方正授江西安儀縣令歷知湖廣武昌安徽繁昌等縣嘗集經史子集聯言忠者手錄成冊名曰彙忠編其目有四日本忠辨忠致忠成忠胸中蘊蓄一於政治發之致仕歸爲鄉里矜式卒年八十有三

府志

劉育杰字凡若雍正八年進士知山東招遠縣上司督令墾荒尅期責效育杰以事涉紛更力陳不便遂不果

行黃縣民田成蛟等出洋遭風飄至朝鮮各負重傷育

杰奉檄查辦以高麗素臣服請咨部行查旋據高麗覆稱並非啟釁滋事遂寢調昌邑以病歸丁外艱服闋

揀發湖北權京山審結千餘案授蘄水令時有倡逆於

天堂寨者出沒羅蘄英霍間遠近倉皇育杰時入武闡

奉檄回縣見老幼逃竄紛紛莫可禁遏探知蘄州無恙

賊不能越疆飛渡長子司炎方畱省會諭令遄歸且朱

書榜於輿前曰本縣只此一子如果逆賊猖狂何忍反

投虎口蘄民見之大定調漢陽升陝西華州值軍需旁

午區畫井井旋擢守潞安遂卒年五十九

府志

劉育槩字木若雍正十一年進士知陝西武功縣賑饑有善政民德之祀名宦子司燮舉人府志

繆標字曉巖一字海峯雍正十一年

欽賜舉人乾隆十七年權知廣東左州事地鄰交趾標慈以濟

嚴頗稱良吏二十一年乞老歸年八十有二著有自怡

集一卷續志稿參淮海英靈集

朱元夢字呂占號北渚貢生官豐縣教諭訓士有方捐

俸葺學宮置祭器遴選佾舞升國子監學正卒年四十

八豐人思之請祀名宦舊志

朱士楨字峙青天性孝友官荆溪訓導捐俸修學宮賑

饑民邑人稱之舊志

朱東啟字曉先號爽亭元夢子貢生由主事授貴陽府

同知引見時

憲廟詢以馭苗方略奏對稱

旨莅貴陽值苗勢猖獗餉道梗阻東啟募兵裹糧從間道馳七

百里餉軍圍乃解巡撫器之請

恩加養廉以示優異監永寧鉛廠釐剔積弊商民悅服烏蒙苗

竊發東啟上平烏八議且率兵督戰巡撫用其議烏蒙

平署普安州升平越府平越隣境有生界土坪二地為

苗人門戶東啟請築城二以資防禦又築臺拱新城三

面鼎峙苗人讐慄東啟又言於巡撫曰苗地險阻非熟知路徑無以備不虞巡撫入奏

特旨命東啟充繪圖正使深入蠻疆六閱月悉得其險要成分合六圖進

呈山川形勢瞭如指掌因是染瘴疾請代會九股逆苗馴平越無守擁衆入寇兵弁多障亡存者不滿三千人東啟力疾起慷慨誓衆得黃平難民五千人諭以大義教以擊刺登陴固守匝月獲苗謀三人鞠知苗情磔之城上出奇計斬獲六百餘級適張經畧援兵至東啟協力助戰三晝夜苗衆潰竄孤城復安經畧奇其才請畱參軍機

踰年事平入覲

高廟

溫旨嘉獎

賜藥餌授恩南府知府尋升貴東兵備道以積勞失血瘴癘復發卒於官年四十有五東啟素耽典籍雖倥傯戎馬不廢嘯歌著有靜壽齋詩集

續志稿

高簪纓字偉謨號鷺鷥少孤事孀母唐極孝與弟繩武相友愛初任山東膠萊鹽運分司題補桃源集同知歷知濟南泰安沂州府事雍正十一年以同知引

見奏對稱

旨瀝陳孀母苦節乞

旌

特旨賞給封典桃源爲三省盜藪素多竊發簪纓嚴立保甲親查窩穴半載餘奸宄斂迹上司以簪纓拏賊不漏一名入奏奉

旨議叙會值水災查辦賑卹不假胥吏全活甚衆先東省貢院

號舍多傾圯奉檄督修估項僅二萬同官有以數少爲慮者簪纓毅然獨任鳩工庀材於官帑外捐廉二千緡以補不足又虞號舍卑隘增置明瓦牕萬餘其卹士子如此上司以治行爲東河最題補曹州府知府以母老

乞養歸

續志稿
參家傳

仲鶴慶字品崇號松嵐先賢六十五世裔孫明永樂時自蘓遷泰鶴慶於乾隆十九年成進士需次家居時多水患莊巡撫有恭幕客某以洪湖大漲欲棄泰之北鄉田爲水宅鶴慶與議謂高寶興泰形如釜底而興爲甚泰未受水而興先之興旣受水而高寶隨之不能獨棄泰田也且洪湖水下四邑之生靈皆盡咎將誰歸事遂寢比謁選授四川大邑縣令正疆域以息水訟表地界以靖山爭創建書院延師課士兩權邛州事民愛戴之三十一一年緬匪犯邊鶴慶以馬政赴雲南督修瀾滄官

道監牛角關軍糧後攝蓬溪縣被議鶴慶性剛直爲某
所疾禍幾不測德尙書保攝川督事乃得雪初鶴慶罷
蓬溪復任大邑及被逮士民泣送越境乃已居蜀二載
始歸主講鎮江寶晉歸德文正南康白鹿如臯雉水各
書院著有迨暇集古文二卷詩六卷工寫蘭菊竹得者
以爲寶年六十三卒府志

宮煥采字惠疇舉人任涇縣教諭有學田爲豪所奪煥
采清理之勒諸石會歲饑襄辦賑務胥吏不能欺士民
稱焉家傳

宮慕超字御天舉人由和州學正擢知河南宜遠縣遷

甘肅平涼縣所至有惠政乾隆四十九年回匪犯順慕
超措方畧率官兵鄉勇晝夜防禦大軍凱旋後以守城
功議叙入奏調署秦州未幾罷官卒於家續志稿

高翀字雲甲貢生河南辰州府通判權知臨鄉縣縣山
有煤窖業煤者多爲民害翀究治之奸徒斂蹟晉同知
乾隆十四年擢廣西太平守引

見

上諭苗疆奏對稱

旨頒賜

憲皇帝上諭字帖貂皮香錠旋以乞養歸卒年五十續志稿

劉夢金字賢受號澧齋乾隆十七年武進士二等侍衛
授廣東游擊江西廣信參將會辦封禁山事山連閩粵
綿亘八百餘里多奸宄竄聚夢金督率巡察山境肅然
遷福建興化協鎮防禦尤嚴歷署漳州汀州南澳諸鎮
調補臺灣北路協鎮往還兩次積勞成疾累巡海壇等
適六瑀港洋匪滋擾身先士卒擒獲殆盡後以疾作告
歸年七十六卒府志

宮柳晟字西平舉人知雲南大姚縣大姚故瘠地柳晟
莅任兩月於鹽課正額外裁汰銀二千餘兩以紓民力
歷署琅鹽黑鹽井提舉嵩明州知州中甸同知民竈硿

長無不感戴充乾隆四十二年鄉試同考官年八十五

卒續志稿

宮晉颺字穆蕃號湘秋舉人知山西長治縣嘗錄一重
囚以誠動之囚忽感悟自承清釐糧冊刪去浮丁二萬
餘口免胥吏影射沁河山水暴漲捐俸拯濟流民富戶
輸金川餉有溢額銀二萬兩立召其人還之晉秩主事
乞養歸弟履基字應乾與晉颺同舉於鄉爲常山縣令
十年勤慎自持葺定陽書院辦理江塘兩充同考官與
兄先後乞養履基著有素軒集府志

沈謙字君撫號筠谿乾隆甲辰進士授福建羅源縣知

縣引

見時調南靖沿海疆有能聲歷知上杭長汀諸劇邑政績俱著
 後知浙江嵯縣修學校勸農桑勤聽斷邑人感之旋以
 奉差入都沒於京邸謙湛深經術兼工詩文采訪錄
 朱端揆字錫嘉東啟子官山西太平縣知縣蒞任三日
 卽清釐積案數十吏民驚異捐俸葺龍門書院時大兵
 征回部軍需孔亟日辦駝馬千匹端揆籌備如數調臨
 汾值歲大饑斗米千錢亟請於上官不待報可開倉賑
 濟復捐廉設粥廠存活無算乾隆二十六年

高廟西巡

召見

賜荷包綵緞會卓薦第一

特旨記名以知府用歷任河南開封廣西平樂同知以病歸卒

於家年五十七著有妙契詩鈔秦晉燕粵游草續志稿

高鳳翥字象六號果亭博學工詩古文弱冠爲諸生有
 聲庠序南北闈十應試屢薦不售官福建福州府通判
 省會煩劇倉厰錢局悉歸總理鳳翥剔弊釐奸一塵不
 染督撫軍三標兵糧均由本署支領前官有累日不能
 畢事者鳳翥半日立竣營弁悅服距治四十里竹溪稅
 口素苦盤查過密鳳翥約束胥吏明立科條商賈頌德

上官簡其才委鞫閩侯兩縣積案二千餘秉公聽斷無
有枉漏未半載案牘一清乾隆十五年鄉試充貢院供
給所體念士子一切食飲躬爲檢點並捐廉於常例外
加粥一餐其闈中詩有矮屋半生憐席帽香杭一椀慰
同袍之句尋權福州府事有閩清同安兩縣事干提訪
奉檄鞫訛申被枉者寃總督喀疑徇庇鳳翥堅執不移
終得昭雪致仕後敦行善事不倦著有三山游草二卷
日涉園仿陶詩四卷

續志稿
參家傳

陳端字方行號琢餘附貢生官山東平度州知州州俗
刁悍無賴聚黨名野刀會爲民害端至嚴禁五年餘其

風盡熄捐俸開州南洼池爲樂予莊建有嬰普濟兩堂
調膠州修泮宮會士子講權文義俸滿擢刑部員外郎
旋致仕歸工書法宗唐歐陽率更

續志
稿

陳蘭字東臯官浙江黃巖縣丞擢知雲南蒙自縣會土
夷犯順蘭督兵捕剿有功致仕歸舉鄉飲賓壽九十

陳氏

家
乘

高榮祚字禮耕號綏之一號松軒官廣東臨高縣知縣
兩署鶴山縣事臨邑居大海中多煙瘴甫莅任聞民輒
暴死詢之士人以悞食斷腸草故出資募樵者盡除其
根其害遂絕城南石徑亘數十里崎嶇不可行捐廉千

縉平之往來稱便民為立石日高公道鶴邑舊無書院
 前令以同知廢署詳請建立草創未就榮祚重加修整
 廓而大之置腴田以增膏火士林頌德城北崑崙兩山
 高千仞頂有白龍潭禱雨輒應然極險峻會歲亢旱榮
 祚率健役數人徒步攀援登其顛虔禱甫歸大雨立注
 百姓焚香叩縣署者以千計後以內擢主事乞養歸奉
 親垂二十年邑中凡有善舉皆踴躍倡首為一鄉士夫
 之望年六十七卒

續志稿

劉維馨字馥菴乾隆五十一年武進士補廣西守備擢
 上思都司六十年奉檄助剿黔楚苗匪禽逆吳半生奪

連雲山復乾州旋調赴四川剿補教匪梟首逆孫老五
 陽夔州圍復追賊至陝西洵陽之歐家川被石傷
 足事聞得

旨嘉獎

賜銀調養傷愈至冷水灘禽逆羅其清兄弟擢遊擊

賞戴花翎又剿賊龔文玉冉文傳等又於陝西大市川甘肅松
 樹壩及雞頭關大扒山等處獲高均得王四虎雷士旺
 王大樹王林高諸首逆以功累擢廣西參將廣東督標
 中軍副將丁憂服闋補黃州協副將以臂創發乞假歸

卒於家 采訪錄

楊繩祖字心壺貢生乾隆五十五年官溧陽縣訓導甫
蒞任有邑豪與諸生某訟曲在豪學使者將按部矣豪
陰屬客持百金請繩祖具某生劣款先是繩祖廉其事
乃咤客曰我做窮秀才五十年不妄取一錢今乃爲若
金賣耶客大慚阻會學使者問狀繩祖力陳曲直抗辯
不屈生卒得直士林感泣嗣以疾乞歸年八十六卒繩
祖精三禮之學著有禮經彙編儀禮周禮本末說心壺
詩鈔若干卷

家傳

宮秉鑑字寶塘號鍊江舉人知廣東連山縣署瓊州府
同知瓊州四面巨洋洋盜出沒其間久爲民患秉鑑募

民爲鄉勇數千人時加訓練教以水戰法往來巡哨剿
捕殆盡民賴以安權崖州守時昭雪武生某冤崖民至
今稱之後以解餉四川次雲陽遘疾卒

家傳

徐邦慶字永侯初任揚州營邵伯把總時謝家莊多盜
邦慶捕獲無遺民賴以安升衡陽千總署三江營守備
以放火器傷手指例報廢上官不忍棄其材留補寶應
城守值水荒賑粥飢民擁跌邦慶親負救之年老欲乞
歸士民呈留者數千人年六十七卒於官

續志稿

高垂綬字若廷貢生嘉慶七年官贛榆縣訓導會歲飢
奉檄查賑雲臺山風雨不避露宿數晝夜釐奸剔弊胥

吏無所侵漁上官倚重之家傳

儲士雄字朝燮由行伍考授千總

高廟南巡挑列

御前騎射

欽賞荷包授陝西永安營守備署邠州都司嘉慶二年賊苟文明等犯甘陝調赴黑龍口堵禦賊遁士雄率鄉勇二千人追至安康縣大道河殺賊張漢朝等二千餘人授山西運城都司會賊樊仁傑龍紹周等擾掠瓦房店毛壩關煙燉堙士雄縱騎大敗之仁傑溺河死衆皆潰散至王瓜溪遇賊徐天德搶渡任家河劫掠河北杜莊士雄

於半渡擊之生獲一千餘人以功升福建長福參將歷官興化協鎮彈壓順昌地方獲洋匪七名旋以風疾歸

年七十二卒於家家傳節畧

周永照字勗亭官良鄉縣丞管永定河要工地多沙磧永照徒步河隄上下建牖門分疏港口多所贊畫河督蘭倚重之升東安縣知縣未幾卒於官采訪錄

周熾字芝田貢生官江浦縣教諭有李生觸當事已申牒褫革矣熾力辨得免後乞病歸卒於家采訪錄



仲振履字臨侯號雲江嘉慶十三年進士官廣東知縣歷任皆有善政恩平修金塘橋興益禁水車疏河道東


筦築虎門礮臺嚴海防南海築桑園基衛農田工費不
 貲多者以數萬計振履深思厚力必要於成以興數十
 百年之利有前令其歿於官遺二女已及笄留滯不能
 歸振履養之如已女經紀其父喪歸歸二女於宦族同
 官爲之感涕擢南澳同知以疾告歸卒於家著有作吏
 九規秀才秘籥虎門攬勝齋得菜根堂詩文稿家傳

案府志舊志皆另列武勳一門今併入仕績

潘昌第字念暘任黃州府通判累攝州縣篆所至有政
 聲公帑羨餘絲毫無染民有逋賦每出家貲

時稱良吏焉家乘





卷之二十一

卷之二十一

三

